


據曾氏
家藏本

曾文正公全集

十八家詩鈔（四）



第八冊

大達圖書供應社刊行

新式
標語
十八家詩鈔 卷四

蘇東坡七律下二百八十二首

利王旂二首

旂字元龍安國之子安石之姪

異時長怪謫仙人，舌有風雷筆有神。問道騎鯨游海漫，憶嘗夢見紫雲身。餘子無全目，詩到諸郎尚絕倫。白髮故交空掩卷，淚河東注問蒼旻。

娟娟嫵風透度關，娟娟霜月照生還。遲留歲暮江淮上，往拜家伯仲。冰厭冰灘吼新洛，且看松雪媚南山。野梅官柳何時動，飛蓋長橋待子閑。

次韻張琬

(施注)是時有兩張琬一韓城人父昇樞密使歸老嵩少元祐初琬自齊州倅求便親登嵩山易野以才擢知秀州。寧間爲廣東轉運副使移京東西路又一鄆陽人治平二年登第詩中有臨淮自古多名士之句臨淮乃泗邑疑其姑載於此以俟知者正之也

新落霜餘兩岸降，塵埃舉袂識西風。臨淮自古多名士，樽酒相連一作從樂寓公。半日偷閑歌嘯裏，百年暗盡往來中。知君不向窮愁老，尙有清詩氣吐虹。

贈梁道人

探藥壺公處處過，笑看金狄手摩挲。老人大父識君久，造物小兒如子何。寒盡山中無歷日，雨斜江上一漁翁。神仙護短多官府，未厭人間醉踏歌。

泗州南山監倉蕭淵東軒二首

十八家詩鈔 卷四 蘇東坡七律下

十八家詩鈔 卷四 蘇東坡七律下

二

偶隨樵父採都梁，公自注南山名都梁山出都梁香故也竹屋松扉試乞漿；但見東軒城隱几，不知公子是監倉。谿中亂石牆垣古，山下寒蔬七箸香；我是江南舊游客，挂冠知有老蕭郎。

北望飛塵苦畫歸，洗心聊復寄東齋。珍禽聲好猶思越，野橘香清未過淮。有信微泉來遠嶺，無心明月轉空階；一官倉廩真堪老，坐看松根絡斷崖。

泗州除夜雪中黃師是送酥酒二首

暮雪紛紛投碎米，春流活活走黃沙。舊游似夢徒能說，遷客一作還如僧豈有家？冷硯欲書先自凍，孤燈何事獨成一作生花。使君俊爽分酥酒，驚起妻孥一笑譁。

關右土酥黃似酒，揚州雲液卻如酥。欲從元放覓拄杖，忽有麴生來坐隅。對雪不堪令餽煖，隔船應已厭歌呼。明朝積玉深三尺，高枕牀頭尚一壺。

章錢二君見和復次韻答之二首

黃昏已作風翻絮，半夜猶驚月在沙。照沐玉峯明佛剎，隔淮雲海暗人家。來牟有信迎三白，薔蔔無香散六花。欲喚阿咸來守歲，林烏櫪馬闌誰一作喧譁。

分無纖手裁春勝，更有新詩點蜀酥。醉裏冰髭失纓絡，夢回布被起廉隅。君應旅曉寒生暈，我亦飢腸夜自呼。明日南山春色動，不知誰佩紫微壺？

書劉君射堂

集本云劉乙新作射堂公自注乙父嘗知眉州

蘭玉當年刺史家，雙鞬馳射笑穿花。而今白首閑驄馬，只有清樽照畫蛇。寂寂小軒蛛網徧，陰陰垂柳雁行斜。手柔弓燥春風後，置酒看君中戟牙。

留題蘭皋亭

雪後東風未肯和，叩門遷客夜經過。不知舊竹生新筍，但見清伊換濁河。無復往來乘下澤，聊同笑語說東坡。明年我亦開三徑，寂寂兼無雀可羅。

和人見贈

只寫東坡不著名，此身已是一長亭。壯心無復春流起，衰髯從教病葉零。知有雪兒供筆硯，應囑靈婦洗盆餅。回來索酒公應厭，京口新傳作客經。

和周仲宣見贈

頭白江南醉司馬，寬心時復喚殷兄。寒潮不應淮無信，客路相隨月有情。未許低頭拜東野，徒言共飲勝公榮。好詩惡韻那容和，刻燭應須便置觥。

記夢

並序

樂全先生夢人以詩三篇示之，字皆傍行，而不可識。旁有人道衣古貌，爲讀其中一篇云：「人事且常在，留

質悟圓開。」凡四句。覺而忘其二，以告其客蘇軾，軾以私意廣之云：

圓開有物物開空，豈有圓空入井中？不信天形真箇樣，故應眼力自先窮。連環易一作已解如神手，萬竅猶號未濟風。稽首問公公大笑，本來誰礙更求通？

與歐育等六人飲酒

忽驚春色二分空，且看樽前半丈紅。苦戰知君便白羽，倦游憐我憶黃封。年來齒髮老未老，此去江淮東復東。記

取六人相會處，引杯看劍坐生風。

和仲伯達

歸山歲月苦無多，尙有片砂奈老何？繡谷只應花自染，鏡潭長與月相磨。君方傍海看初日，我已橫江擊素波。人不我知斯我貴，不須雷雨起龍梭。

送竹儿與謝秀才

平生長物擾天真，老去歸田只此身。留我同行木上座，贈君無語竹夫人。但隨秋扇年年在，莫關瓊枝夜夜新。堪笑荒唐玉川子，暮年家口若爲親。

次韻許遵

蒜山渡口挽歸艍，朱雀橋邊看道裝。供帳已應煩百兩，擊鮮無久溷諸郎。問禪時到長干寺，載酒閒過綠野堂。此味只憂兒輩覺，逢人休道北窗涼。

送穆越州

穆名珣字東美

江海相忘十五年，羨公松柏蔚蒼顏。四朝耆舊冰霜後，兩郡風流水石間。舊政猶傳蜀父老，先聲已振越溪山。樽前俱是蓬萊守，莫放高樓雪月閒。

贈葛羣

竹椽茅屋半摧傾，肯向蜂窠寄此生。長恐波頭卷室去，欲將船尾載君行。小詩試擬孟東野，大草閒臨張伯英。道遠百年須底物，故應憐我不歸耕。

次韻送徐大正

公自注嘗與余約卜鄰於江淮間將赴登州同舟至山陽以詩送留別

別時酒醺照燈花，知我歸期漸有涯。去歲渡江萍似斗，今年並海棗如瓜。多情明月邀君共，無價青山爲我賒。千首新詩一竿竹，不應空釣漢江槎。

次韻徐積

字仲車

殺雞未肯邀季路，裹飯先須問子來。但見中年隱槐市，豈知平日賦蘭台。海山入夢東東去，風雨留人得暫陪。若說峨眉眼前事，故鄉何處不堪回。

過密州次韻趙明叔喬禹功

先生依舊廣文貧，老守時遭醉尉橫。汝輩何曾堪一笑，吾儕相對復三人。黃雞唱曉淒涼曲，白髮驚秋見在身。別後西歸舊朋友，扁舟歸釣五湖春。

登州孫氏松堂

萬松誰種已挺攢，半嶺蒼雲映此邦。露重珠璣蒙翠蓋，風來石齒碎寒江。浮空兩竹橫南閣，倒景扶桑射北窗。坐待夕烽傳海嶠，重城歸去踏蓬蓬。

次韻趙令鑠

東坡已報六年穰，惆悵紅塵白首郎。枕上谿山猶可見，門前冠蓋已相望。故人年少真瓊樹，落筆風生戰堵牆。端向鸞開尋吏部，老來專以醉爲鄉。

次韻王定國得穎倅二首

十八家詩鈔 卷四 蘇東坡七律下

六

仙風入骨已淩雲，秋水爲文不受塵；不噓固應號地籟，餘波猶足挂天紳。買牛但自捐三尺，射鼠何勞挽六鈞；莫向百花潭上去，醉翁不見與誰親。

滔滔四海我知津，每媿先生植杖耘；自少多言晚聞道，從今閉口不論文。澹翻白獸樽中酒，歸煮青泥坊底芹；要識老僧無盡處，牀頭牛蠅不曾聞。

次韻王震

自此以上皆黃州常州居住贊自登州將還朝之詩

攜文過我治平閒，霧豹當時始一斑；聞道吹噓借餘論，故教流落得生還。清篇帶月來霜夜，妙語先春發病顏；詩酒暮年猶足用，竹林高會許時攀。

次韻周邠

自此以下人朝爲起居舍人翰林學士以後之詩

南遷欲舉力田科，三徑初成樂事多；豈意殘年踏朝市，有如疲馬畏陵坡。羨君同甲心方壯，笑我無聊鬢已皤；何日西湖尋舊賞，淡烟疏雨暗漁蓑。

次韻胡完夫

完夫名宗愈晉陵人副樞宿之姪

青衫別淚尚淋漓，十載江湖困抱關；老去上書還北闕，朝來拄笏看西山。相從杯酒形骸外，笑說平生醉夢閒；萬事會須咨伯始，白頭容我占清閑。

次韻錢穆父

老入「明光」踏舊班，染須那復唱陽關；故人飛上金鑾殿，病客來從飯顆山。大筆推君西漢手，一言置我老劉東作「劉閒」公自註公行狀嘗詢引張仲舒劉向事便須置酒呼同舍君賜飛龍出帝閑。

次韻穆父舍人再贈之什

詔罷春溫昨夜班，屋頭鳴鳩便關關。游仙夢覺月臨幌，賀雨詩成雲滿山。憐我白頭來仗下，看君黃氣發眉間。鳳池故事同機務，火急開樽及尚閑。

再次韻答完夫穆父

公自注二公自言先世同在西掖

掖垣老吏一作史，識郎君，並轡大街兩絕塵。汗血固應生有種，夜光那復困無因。豈知西省深巖地，也著東坡病瘦身。免使謫仙明月下，狂歌對鏡只三人。

次韻答潛思復

自甘茅屋老三間，豈意彤廷綴兩班。紙落雲烟供醉後，詩成珠玉看朝還。誰言載酒山無賀，記取唳烏巷有顏。但恐跛痒隨赤驥，青雲飛步不容攀。

和人假山

上黨攏天碧玉環，絕河千里抱商顏。試觀烟雨三峯外，都在靈仙一掌間。造物何如童子戲，寫真聊發使君閑。何當絜取西征去，畫作團牀六曲山。

次韻子由送千之姪

江上松檟深復深，滿山風雨作龍吟。年來老幹都生菌，下有孫枝欲出林。白髮未成歸隱計，青衫儻有濟時心。閉門試草三千牘，仄席求人少似今。

次韻錢舍人病起

牀下龜寒且耐支，杯中蛇去未應衰。殿門明日逢王傅，攝具爭先看不疑。坐覺香煙攜袖少，獨愁花影上廊遲。何妨一笑千疇散，絕勝倉公飲上池。

次韻朱光庭初夏

朝罷人人識鄭崇，直聲如在履聲中。臥聞疏響梧桐雨，獨詠微涼殿閣風。諫苑君方續承業，醉鄉我欲訪無功。陶然一枕誰呼覺，牛蟻初除病後聰。

送賈訥倅眉二首

當年入蜀歎空回，未見峨眉肯再來。童子遙知頗襦袴，使君先已洗尊壘。公自注：牛大夫眉之賢守也。鹿頭北望應逢雁，人日東郊尚有梅。公自注：人日出東郊渡江，游豎額眉山之故事也。我老不堪歌樂職，後生試覓子淵才。

老翁山下玉淵回，手植青松三萬栽。父老得書知我在，蓬蒿親手爲君開。試看一一龍蛇舞，更聽蕭蕭風雨哀。便與甘棠同不翦，蒼髯白甲待歸來。公自注：先君葬於峨眉山之東二十餘里，地名老翁泉。君許爲一往感歎之深故及之。

次韻李修孺留別二首

十年流落敢言歸，魚鳥江湖只自知。豈意青天掃雲霧，盡呼黃髮寄安危。風流吾子真前輩，人物他年記一時。我欲折繻留此老，緇衣誰作好賢詩？

此生別袖幾回麾，夢裏黃州空自疑。何處青山不堪老？當時明月巧相隨。窮通等是思家意，衰病難堪送客悲。好去江魚煮江水，劍南歸路有姜詩。

和周正孺墜馬傷手

平生學道已神完，豈復兒童竢私憐。醉墜何曾傷內守，色憂當爲念先傳。書空漸覺新詩健，把蟹行看樂事全。賣

卻老驄爲酒直，大呼鄉友作新年。

潘推官母李氏挽詞

南浦淒涼老逐臣，東坡還往盡幽人。杯杓一作盤慣作陶家客，絃誦嘗叨孟母隣。尙有升堂他日約，豈知負土一阡新。今年我欲江湖去，暮雨連山宰樹春。

玉堂栽花周正孺有詩次韻

故山桃李半荒榛，羸報君恩便乞身。竹簟暑風招我老，玉堂花蕊爲誰春？纖纖翠蔓詩催發，皎皎霜葩髮鬪新。只有來禽青李帖，他年留與學書人。

杜介送魚

新年已賜黃封酒，舊交仍分鱖尾魚。陋巷關門負朝日，小園除雪得春蔬。病妻起斫銀絲脍，稚子謹尋尺素書。醉眼朦朧覓歸路，松江煙雨晚疏疏。

送杜介歸揚州

再入都門萬事空，閒看清洛漾東風。當年帷幄幾人在，回首觚稜一夢中。採藥會須逢薊子，問禪何處識龐翁。歸來鄉里應迎笑，新長淮南舊桂叢。

次韻張昌言給事省宿

昌言名開，嘉州人。神宗朝新法之行，獨能不阿時好，爲秘書監使河北，減價糴軍，寄救鄉民，飢還爲給事中。

馮顛久已歇殘雪，戎眼何曾眩落暉。朔驛按行猶雀躍，東臺限墨覺烏飛。公自注：道家有烏飛入黃宮之說。謾誇年少容吾在，公自注：謾誇年少容吾在，猶有詩張學少處笑呼張丈喚張兄。若關樽前舉世稀，待向崧陽求水竹，一犁煙雨伴公歸。

送錢承制赴廣西路分都監

當年我作表忠碑，坐覺江山氣未衰。舞鶴尚從天目下，收駒時有潞江姿。踞牀到處堪吹笛，橫槊何人解賦詩？知是丹霞煥佛手，先聲應已懾羣夷。

次韻曾子開從駕二首

子開名肇乃曾肇從弟

槐街綠暗雨初勻，瑞霧香風滿後塵。清廟幸同觀濟濟，豐年喜復接陳陳。雍容已鑒天庖賜，俯伏初嘗貢茗新。輦路歸來聞好語，共驚堯顙類高辛。

入仗魂慙愧草萊，一聲清蹕九門開。暉暉日傍金輿轉，習習風從玉宇來。流落生還真一芥，周章危立近三槐。公自注學子班近執政道旁儻有山中舊，問我收身蚤晚回。

再和二首

眼花錯莫鬢霜勻，病馬驅馳只自塵。奉引拾遺叨侍從，思歸少傅羨朱陳。衰年壯觀空驚目，嶮韻清詩苦闕新。最後數篇君莫厭，檉花柳桂有餘辛。

憶觀滄海過東萊，日照三山迤邐開。柱觀飛樓凌霧起，仙幢寶蓋拂天來。不聞宮漏催晨箭，但覺檐陰轉古槐。供奉清班非老處，會稽何日乞方回。公自注時方回會稽守

次韻貢父省上

密雲今日破郊西，疏雨脩脩未作泥。要及清閑同笑語，行看衰病費扶攜。花前白酒傾雲液，戶外青驄響月題。不用臨風苦揮淚，君家自與竹林齊。公自注貢父詩中有不及與其兄原交同時之歎然其兄子仲邁今起居舍人

再和

當年曾守我膠西，共厭餽糴與汨泥；自古赤丸成習俗，因公黃犢免提攜。生還各有青山興，病起猶能小字題；莫怪歌呼數相和，曾將獄市寄全齊。公自注：曾父爲曹州盜賊，皆奔稱境實有詩云：從教管帶稍弄藥。

和張昌言喜雨

二聖憂勤忘寢食，百神奔走會風雲；禁林夜直鳴江湍，清洛朝回起轂紋。夢覺酒醒聞好語，帳空簾冷發餘薰；秋來定有豐年喜，賸作新詩準備君。

次韻劉貢父西省種竹

要知西掖承平事，記取劉郎種竹初；舊德終呼名字外，後生誰續笑談餘。公自注：昔曾公擇種竹館中，戲詩同舍後人指此竹必云：李文正手植。曾父笑曰：文正不獨樂筆，亦知種竹。那時有筆工李文正成陰障日行當見，服笏供庖計已疏；白首林間望天上，平安時報故人書。

次韻劉貢父獨直省中

明窗畏日曉先曠，高柳鳴蟬午更喧；筆老新詩疑有物，心空客疾本無根。隔牆我亦眠風榻，上馬君先瑣月軒；共喜蚤歸三伏近，解衣槃礴亦君恩。

次韻張昌言喜雨

千里黃流失故居，年來赤地到青徐；遙聞珍重十行詔，無異親巡六尺輿。精貫天人一言足，雲興嶽瀆萬靈趨；愛君誰似元和老，賀雨詩成即諫書。

次韻孔常父送張天覺河東提刑

送君應典鸛鷺裘，憑仗千鍾洗別愁；脫帽風流餘長史，

約千房七世孫也。公爲武陽人，與在今彭山，君其後邪？子河駿馬方爭出，公自注：縣府馬出子河。昭義疲兵得少休，公自注：唐福昭

義步兵盡，潯澤馬歸子定，向秋山得佳句，故關黃葉滿行轡。

次韻王定國倅揚州

此身江海寄天游，一落紅塵不易收；未許相如還蜀道，空教何遜在揚州；又驚白酒催黃菊，尙喜朱顏映黑頭；火

急著書千古事，虞卿應未厭窮愁。

次韻張舜民自御史出倅虢州留別

玉堂給札氣如雲，初起潮聲復佩銀；樊口淒涼已陳迹，公自注：昔只此口，此口來詩中及之。班心突兀見長身。公自

注事與朝都吏，此爲班心。江湖前日真成夢，郭杜他年恐卜鄰。此去若容陪坐席，故應主客盡詩人。

次韻劉貢父所和韓康公憶持國二首

夢覺真同鹿覆蕉，相君脫屣自參寥；顏紅底事髮先白，寶盞何妨人自遙；狂似次公應未怪，醉推東閣不須招；援

毫欲作衣冠表，盛事終常繼八簫。

閉戶端居念獨深，小軒朱檻憶同臨；燈檠誰識英公意，黃髮聊知子建心；已託西風傳絕唱，且邀明月伴孤斟；他

時內集應呼我，下客先拚醉墮簪。

次韻劉貢父叔姪扈駕

玉堂孤坐不勝清，長羨鄒枚接長卿。只許隔牆聞置酒，時因議事得聯名。機雲似我多遺俗，廣受如君不治生。共託劇車塵土後，對天一餉夢中榮。

次韻韓康公置酒見留

庭下黃花一醉同，重來雲嶽已穹窿。不應屢費譏安石，但使無多酌次公。鍾乳金釵人似玉，鵲絃鐵撥坐生風。少卿尚有車茵在，頗覺寬容勝弱翁。

次韻王都尉偶得耳疾

君知六聲皆爲贅，我有一言能決疣。病客巧聞牀下蟻，癡人強覩棘端猴。聰明不在根塵裏，藥餌空爲婢僕憂。但試周郎看豎否，曲音小誤已回頭。

和宋肇游西池次韻

漢皇慈儉不聞邊，尙教千艘下潮船。貪看艤艫飛鬪艦，不知鼉鼓舞鈞天。故山西望三千里，往事回思二十年。自笑區區足官府，不如公子散神仙。

僕領貢舉未出錢穆父雪中作詩見及三月二十日同游金明池始見其詩次

韻爲答

雪知我出已全消，花待君來未敢飄。行避門生時小飲，忽逢騎吏有嘉招。魚龍絕技來千里，斑白遺民數四朝。知有黃公酒壚在，蒼顏華髮自相遙。

次韻子由五月一日同轉對

（施注）元祐三年五月一日公以翰林學士侍讀文定以戶部侍郎同對先是公發策試慶正一館職問主舉曹操事侍御史王明叟銳奏論以爲非是韓川趙挺之亦攻之

十八家詩鈔 卷四 蘇東坡七律下

一四

公屢疏行去故詩有憂患半生歸休上策云云結用趙彥事言憲官中必有所指也

跪奉新書笏在腰，談王正欲伴耕樵。晉陽豈爲一門事，宣政聊同五月朝。憂患半生聯出處，歸休上策蚤招搖。後生可畏吾衰矣，刀筆從來錯料堯。

次韻許冲元送成都高士敦鈴轄

士敦字仲穆名將璣之孫

移中老監本虛名，嬾作燕山萬里行。公自注余與高同使契丹辭免不行坐看飛鴻迎使節，歸來駿馬換傾城。高才本不緣勳閥，餘力還思治蜀兵。西望雪山烽火盡，不妨樽酒寄平生。

臥病逾月請郡不許復值玉堂十一月一日鎖院是日苦寒詔賜官燭法酒書

呈同院

微霰疏疏點玉堂，詞頭夜下掩衣忙。分光玉燭星辰爛，拜賜宮壺雨露香。醉眼有花書字大，老人無睡漏聲長。何時卻逐桑榆暖，社酒寒燈樂未央。

次韻王定國會飲清虛堂

何遜揚州又幾年，官梅詩興故依然。何人可復聞季孟，與子不妨中聖賢。卜築君方淮上郡，歸心我已劍南川。此身正似鷺將老，更盡春光一再眠。

夜直玉堂攜李之儀端叔詩百餘首讀至夜半書其後

玉堂清冷不成眠，伴直難呼孟浩然。暫借好詩消永夜，每逢佳處輒參禪。愁侵硯滴初含凍，喜入燈花欲鬪妍。寄語君家小兒子，他時此句一時編。

范景仁和賜酒燭詩復次韻謝之

公自注時公方養新樂

笙磬分均上下堂，游魚舞獸自奔忙；朱絃初識孤桐韻，公自注舊樂金石聲高而絃聲微今樂金石與絃聲皆著玉琯猶聞杜鵑香。公自注舊法以尺生律今以黍定律以律生尺萬事今方咨伯始，一斑我亦愧真長；此生會見三雍就，無復寥寥歎未央。

次韻劉貢父春日賜幡勝

「寬詔」隨春出內朝，三軍喜氣挾狐貂；鏤銀錯落翻斜月，翦綵繽紛舞慶霄。臘雪強飛纔到地，曉風偷轉不驚條；脫冠徑醉應歸臥，便腹從人笑老韶。公自注前一日微雪是日奉次賜酒

再和

與君流落偶還朝，過眼紛紛七葉貂；莫笑華顛彩勝，幾人黃壤隔青霄。行吟未許窮騷雅，坐嘯猶能出教條；記取明年江上郡，五更春枕夢春韶。

葉公秉王仲至見和次韻答之

衫綈方暑亦堪朝，歲晚淒風憶皂貂；其喜獨鶯歸禁籞，心知日月在重霄。君如老驥初遭絡，我似枯桑不受條；強鏹霜須齊綵勝，蒼顏得酒尙能韶。

再和

衰遲何幸得同朝，溫勁如君合珥貂；誰惜異材蒙徑寸，自慚枯朽借凌霄。光風泛泛初浮水，紅糝離離欲綴條；後日一樽何處共，奉常端冕作「咸韶」。

王鄭州挽詞

名克臣字子維鄭州人累官御史中丞

義君華髮起琳宮，右輔初還鼓角雄；千里農桑歌子產，一時冠蓋慕蕭嵩；那知聚散春蠶外，便有悲歡過隙中；京兆同僚幾人在，猶思對案筆生風。公自注：吾爲開封府幕與子雍同僚。

送呂昌朝知嘉州

不羨三刀夢蜀都，聊將八詠寄東吳；臥看古佛凌雲閣，敕賜詩人明月湖；得句會應緣竹鶴，思歸寧復爲蓴鱸；橫空好在修眉色，頭白猶堪乞左符。

次韻黃魯直寄題郭明父府推穎州西齋二首

樹頭啄木常疑客，客去而暝定不然；脫帽已應生井沫，解衣聊復起庖烟；平生詩酒真相汙，此去文書恐獨賢；蚤晚西湖睡華髮，小舟翻動水中天。

寂寞東京月旦州，德星無復綴珠旒；莫嗟平與去聲空神物，尚有西齋接勝流；春夢屢尋湖十頃，家書新報橘千頭；雪堂亦有思歸曲，爲謝平生馬少游。

次韻秦少章和錢蒙仲

少年名錢少游之子，弟蒙仲乃錢穆父之子。

碧畦黃隴稻如京，歲美人和易得情；鑑裏移舟天外思，地中鳴角古來聲；山園故國城空在，潮打西陵意未平；二子有如雙白鷺，隔江相照雪衣明。

次韻錢越州

（施注）錢越州穆父先賦華字韻詩東坡次其韻錢又和寄坡復次其韻先是東坡起流落中蒙二制重於報國不爲顧慮且復疏於言語是時蒙賢雖察本朝而已有洛陽川黨則黨之語言路多以謗訕譏之之聖察其忠憤

不以爲辱諸公無以洩其怒凡所譏引如黃魯直歐陽叔弼士定國秦少游皆被彈劾無得免者公乃置草乞去歷緣訪傷元祐四年三月除龍圖閣學士知杭州而穆父時以京尹爭次統空事守越正言劉器之謂資之太過穆與公以氣類厚善故此詩末章云年來齒頰生荊棘習氣因君又一言後又和云欲息波瀾須引去吾儕豈獨坐多言意和右在也